

8. Unná Girste-goddesáhpána stuorra ođđasat

Dearvvabadearvva fas dáppe Ukselmaoaiivvis!


Lean dat Ukselmaoaiivi gufihtar,
Elska, geas leat stuorra bealjit.

Stuorra beljiiguin mun gulan hui bures visot dehálaš áššiid-
Stuorra beljiiguin mun gulan smávva ja stuorra duoddara dahje vuovddi áššiid.

Jođán álo jaskadit duoddaris ja vuovddis,
go dalle gullá buotlágan gelddolaš meahci áššiid.

Biegga dat lea meahcis dat,
mii fievrrida meahci poastta ja dieđuid.
Oktii bieggá buvttii dakkár poastta,
ahte Girste-goddesáhpán lei čivgan.
Biegga nappo muitalii unna Girste-goddesáhpána stuorra ođđasa!
Vulgen seammás dearvvahit Girste-goddesáhpána
ja sávvat sutnje lihku bearraša stuorrumis.


Dieđátgo makkár Girste-goddesáhpán lea ja man stuoris?
Girste-goddesáhpán lea smávva jursi.
Rávis goddesáhpán lea sulaid muolddaha sturrosaš
dahje sáhtašin dadjat, ahte vehá stuorát go sáhpán.



Jursin dat jursá earálágan šattuid ja rásiid.
Gazzasámil lea dan hersko.
Sáhtta dat herskostallat maiddái lieddeurbbiiguin.
Jursi dárbbasa buriid bániid, maiguin jursat.
Girste-goddesáhpánis leat guokte viehka guhkes ovdabáni.
Ja dieđátgo maid?
Bánit eai noga, vaikke Girste-goddesáhpán jurssašii vaikke man eatnat.
Dan ovdabánit šadde olles dan eallima áigge!

Girste-goddesáhpána gassa
ja dipma dorka lea girjái ja čáppat.
Eanaš dat lea fiskesruškes, mas čikŋan leat ruškes stábit.

Girste-goddesáhpán lea duoddara goddesáhpán
Dan dihtii, ahte dat eallá duottarluonddus.
Jus goddesáhpánat lassánit olu,
dalle dat vádjolišgohtet eará sadjái, ohcat ráfálut ássanguovllus.





Dalle,
go dat leat olu ja leat vâdjoleamen,
daid sáhttá oaidnit álkit.
Dábálaččat ellet oalle čihkosis.
Vâdjoleami áigge dat johtet seammá guvlui, eaige dat mohkahala eaige garvve
maidige.
Dalle dat báhcet maiddái biillaid vuollái, mii lea váivi.


Go bieggá lei buktán munnje dieđu easkariegádan čivggain,
doapmalin leavttuin beassebalssa lusa.
Guovllastin beassái.

Doppe Girste lei unnoraš čivggaiguin áibbas ráfis.
Girste muitalii munnje,
ahte čivggat leat vel áibbas bálljásat, čuvgesrukses ja čalmmit leat gitta.
Čivggat ledje unni, dalle sáhka lei iešalldes unna áššis.
Girste-goddesáhpána eallimis dat lei hui stuorra ođas.
Ja leahan riegádeapmi álo stuorra ášši.
Ja dieđusge muge mielas unnoraš goddesáhpánčivgat ledje hui stuorra ášši
ja duođaid meahci stuorra ođas.



Mun sávven lihku Girstii
ja adden sutnje skeaŋkan čorpma dievva gazzasámmálaš.
Girste-goddesáhpán lei movtta skeaŋkkas;
“go njamaha čivggaid, ferte ieš maiddái borrat bures”, dat dajai.
Dál das lea biebmuhkes áigái.

Na dákkár dat mu eallin lea dáppe duoddaris ja meahcis ja jeakkis.
Ealliman lea luonddu ja dan dáhpáhusaid čuovvun.
Muhtumin dáhpáhusat leat stuorrá,
muhtumin unnibut,
muhtumin áibbas unni, muhto dehálačča,
dego unna goddesáhpániid riegádeapmi.




Elska

Gufihttara meahceođđasiid dieđihii Kristiina Aikio. Jorgalus Pentti Pieski.

Loahppašurramat:

1. Ivdne dán Girste-goddesáhpána gova! Sárggio dasa guhkes sepmoniid, oan-
ehaš julggiid, guokte bastilis ovdabáni ja smávva bieža. Sáhtát sárgut maid-
dái smávva čivggaid dan báldii. Sárggio dasa maiddái biebmun sámmála ja
lieddeurbbiid.

Namma:



Namma:

